

MOBILIDADE PARA PERSOAL DOCENTE ERASMUS+ CURSO 24/25 DO COSORCIO DE ARTES

A EASD Mestre Mateo fai pública a presente convocatoria de axudas para a Mobilidade de Persoal Docente correspondente ao curso 2024/2025, no marco do programa Erasmus+ KA131 para países socios do Consorcio de Artes.

Este programa desenvólvese grazas á aprobación por parte da Comisión Europea das Mobilidades de estudantes e persoal entre países do programa e países asociados polo Servicio Español para a Internacionalización de la Educación (SEPIE).

PRIMEIRA. OBXECTO DA CONVOCATORIA

O obxectivo da presente convocatoria é a selección de 1 beneficiario de mobilidade para **persoal docente da EASD Mestre Mateo** destinada a financiar unha estadía a través do Consorcio de Artes.

SEGUNDA. CENTROS DE DESTINO E DURACIÓN

A mobilidade desenvolverase dende o **8 ao 12 de Xullo na Universidade de Pristina (Kosovo)**.

TERCEIRA. REQUISITOS

Son elixibles todos/as os/as docentes que impartan estudos na Escola (tanto graos coma ciclos superiores) durante o curso 2024/25 e que teñan como mínimo un nivel B1 acreditado oficialmente en inglés antes da data límite de entrega de documentación (poderanse valorar candidaturas sen o cumprimento desta condición unicamente se quedaran prazas libres, sempre e cando o docente acredite o nivel mínimo necesario para desenvolver a actividade).

CUARTA. AXUDA ECONÓMICA

As persoas participantes na mobilidade recibirán unha axuda económica para sufragar os custos de estancia e manutención durante o período de mobilidade, así como unha axuda económica para sufragar os custos de viaxe.

QUINTA. LUGAR DE PRESENTACIÓN E PRAZO DE SOLICITUDE

As persoas solicitantes deberán presentar os seguintes documentos debidamente

cumprimentados, datados e asinados, na Secretaría da Escola, en papel antes do día 13 de Xuño de 2025.

- Impreso de solicitude (Anexo I)
- Folla de servizos e outra documentación.
- Declaración de capacidade do manexo no idioma do país de destino ou no idioma de traballo (Anexo II)
- Certificacións oficiais de idiomas.

SEXTA. CRITERIOS DE SELECCIÓN DAS PERSOAS PARTICIPANTES

A selección do profesorado candidato realizarase a través dunha comisión de valoración, que estará integrada pola xefatura da área de Calidade e Promoción das Ensinanzas, a coordinadora de Programas Internacionais e dous integrantes do claustro que tiveran participado nos programas de mobilidade nos últimos 3 cursos académicos. En último termo, a concesión da bolsa irá suxeita a aprobación pola Dirección do Centro priorizando



as necesidades da Escola sobre a mobilidade (non será posible realizar mobilidades cando a docente forme parte dun tribunal de proxectos finais, en probas de acceso e en período de reclamación de exames ou calquera outra obriga dependente da Consellería de Educación.

No caso de que a xefatura de Área de Calidade e Promoción ou a Coordinadora de Programas Internacionais integrantes da comisión se candidataran para a bolsa, serán substituídas pola xefatura de estudos.

A adxudicación de prazas farase de acordo cos seguintes **critérios ditados polo Consorcio de Artes:**

1.-Por cada ano traballado como docente na EASD Mestre Mateo 1 punto (ata un máximo de 20 puntos).

2.-Coñecemento da lingua de traballo. Certificación de idiomas dacordo co Marco Común Europeo de Referencia para as Linguas. (ata un máximo de 20 puntos).

Idioma empregado na institución de destino solicitada			
B1	B2	C1	C2
-	10	15	20

3.-Experiencia en proxectos de mobilidade internacional: un punto por cada certificado de participación nun programa internacional (ata un máximo de 20 puntos).

4.-Coñecemento do programa Erasmus ou colaboración en proxectos de mobilidade de estudantes: un punto por cada ano como coordinador Erasmus ou por cada participación en proxectos de internacionalización entre centros, etc. (ata un máximo de 20 puntos).

5.-Relación directa da especialidade do profesor ou profesora solicitante coas especialidades impartidas na Universidade de Pristina: 10 puntos.

6.-Por ter algunha discapacidade recoñecida do 33% ou superior: 10 puntos.

6.- Unha vez valorados os puntos anteriores, no caso de empate, terá preferencia a persoa con maior permanencia no centro.

Toda a información baremable terá que ser demostrada documentalmente por medio de follas de servizos, certificacións académicas, nomeamentos ou documentación oficial. Non será tido en conta calquera dato non demostrable documentalmente.

As persoas solicitantes, una vez baremadas, pasarán a formar parte dunha lista de seleccionados ordeada de maior a menor puntuación.

Serán adxudicatarias dunha beca de mobilidade a persoas integrantes da listaxe de seleccionadas por orde de puntuación ata que se esgote a partida orzamentaria das mobilidades convocadas.

A concesión desta licenza subordinarase, en todo caso, ás necesidades do servizo.

SÉTIMA. RENUNCIAS

A renuncia a unha axuda de mobilidade xa adxudicada presentarase por escrito na secretaría da Escola á atención da Coordinadora de Programas Internacionais no prazo de 3 días dende a resolución da convocatoria.

OITAVA. PRAZOS

- Presentación de solicitudes: do 6/6/2025 ao 13/6/2025 ata as 13 h.
- Resolución e listaxe de seleccionados: 16/6/2025
- Alegacións: 17 e 18/6/25 ata as 13 h.
- Resolución e listaxe de adxudicación definitiva: 20/6/25

NOVENA. TRÁMITES ANTES DE COMEZAR A ESTADÍA

A persoa adxudicataria aportará todos os datos e información necesarios para xestionar a documentación requirida polo Departamento de Relacións Internacionais da EASD Mestre Mateo en tempo e forma.

Asimesmo deberá realizar todos os trámites necesarios para asegurarse a cobertura sanitaria durante a súa estadía e subscribirá unha póliza que cubra accidentes e responsabilidade civil durante a estadía no país de destino.





DÉCIMA. TRÁMITES DURANTE A ESTADÍA

A persoa adxudicataria debe comunicar á coordinación Erasmus da Escola a súa incorporación ao centro de destino.

Asimesmo deberá comunicar á coordinación Erasmus da Escola calquera incidencia ou cambio nas datas ou no plan de mobilidade acordado á maior brevidade posible.

O/A beneficiario/a está na obriga de difundir a oferta formativa da EASD Mestre Mateo durante a mobilidade.

UNDÉCIMA. TRÁMITES AO FINALIZAR A ESTADÍA

A persoa adxudicataria debe entregar á coordinación Erasmus da Escola nun prazo máximo de 15 días desde o seu regreso:

- O certificado de cumprimento da estadía segundo modelo normalizado, con data e sinatura polo responsable de control de mobilidade da institución de destino. A data de certificación deberá ser igual ou posterior á data de finalización da estadía. Non se admitirán certificados con data anterior á finalización do período de mobilidade.
- Documentación xustificativa da viaxe: documento de desprazamento en vehículo particular, tarxetas de embarque, billetes electrónicos, folla de itinerario, facturas no seu caso, etc.
- O informe final en liña (cuestionario UE) en función da mobilidade realizada.
- O informe/dossier das actividades desenvolvidas durante a estadía, coa memoria da súa experiencia a nivel

académico, profesional, lingüístico, cultural, etc. Facendo fincapé na repercusión desta actividade nas súas actividades profesionais e nas do centro. Estas memorias publicaranse na web da Escola, e quedarán arquivadas para posteriores actividades: charlas, presentación, información sobre centros de destino, etc.

As/os participantes deberán dar a máxima difusión ás actividades realizadas durante á súa estadía por medio das redes sociais e a páxina web da Escola, facilitando un rexistro fotográfico e unha sinopse da actividade á coordinación Erasmus por medio do correo electrónico erasmus@easd.es

NON SE REALIZARÁ O PAGO DA AXUDA ECONÓMICA SEN A PRESENTACIÓN DOS DOCUMENTOS (estes e os que, de ser o caso, poidan ser solicitados adicionalmente desde a coordinación Erasmus a instancias da organización) EN FORMA E PRAZO.

O profesorado beneficiario poderá ser requirido para formar parte do comité de acollida da Oficina Erasmus, e, así mesmo, para formar parte da comisión avaliadora para outras bolsas Erasmus de profesorado.

Santiago de Compostela 5 de Xuño de 2025

Asinado:

Juan Marcos Adrio Fondevila
Director





ANEXO I IMPRESO DE SOLICITUDE

CENTRO DE DESTINO	
1	

IDENTIFICACIÓN DA PERSOA SOLICITANTE	
Nome	
DNI	
Apelidos	
Data de nacemento (dd/mm/aaaa)	
Enderezo postal	
Correo electrónico	
Teléfono	
Datas elixidas para realizar a mobilidade	
Nacionalidade	



ANEXO II
DECLARACIÓN DE CAPACIDADE DE MANEXO NO IDIOMA
DO PAÍS DE DESTINO OU NO IDIOMA DE TRABALLO

A persoa solicitante da axuda, D/Dna.

.....

Declara ter manexo suficiente do idioma do país de destino solicitado.

Asdo.

D/Dna., solicitante.

En Santiago de Compostela, a de de 20.....